

Na osnovu člana 15. Zakona o principima lokalne samouprave u Federaciji Bosne i Hercegovine („Službene novine Federacije Bosne i Hercegovine“, broj: 49/06 i 51/09), člana 71, 124. i 125. Statuta Općine Vogošća („Službene novine Kantona Sarajevo“, broj: 27/14 – Prečišćen tekst, 14/15, 9/20 i 23/24), Pravilnika o ostvarivanju prava na jednokratnu novčanu pomoć za rođenje djeteta Općine Vogošća, broj: 09-31-1239/25 od 13.06.2025.godine, Odluke o izvršavanju Budžeta Općine Vogošća za 2025. godinu („Službene novine Kantona Sarajevo“, broj: 1/25), tačke 20. Smjernica o minimalnim standardima dodjele budžetskih sredstava putem transfera i subvencija u Federaciji Bosne i Hercegovine („Službene novine Federacije BiH“, broj: 37/24) i Odluke Općinskog načelnika o načinu primjene smjernica o minimalnim standardima dodjele budžetskih sredstava putem transfera i subvencija u Federaciji Bosne i Hercegovine, broj: 02-02-575/25 od 15.04.2025. godine, Općinski načelnik Općine Vogošća, objavljuje:

JAVNI POZIV za dodjelu novčanih sredstava za jednokratnu novčanu pomoć za rođenje djeteta

I – PREDMET JAVNOG POZIVA

Predmet Javnog poziva je dodjela novčanih sredstava za jednokratnu novčanu pomoć za rođenje djeteta (novorođenče).

II – FINANSIJSKA SREDSTVA

Finansijska sredstva za dodjelu jednokratne novčane pomoći za rođenje djeteta (novorođenče) raspoređivat će se u skladu sa Pravilnikom o ostvarivanju prava na jednokratnu novčanu pomoć za rođenje djeteta Općine Vogošća, (u daljem tekstu: Pravilnik) sa budžetske pozicije:

- 614239 – jednokratna finansijska pomoć porođiljama na području općine Vogošća;

Ukupan iznos planiranih sredstava u Budžetu Općine Vogošća za 2025. godinu iznosi 60.000,00 KM. Iznosi jednokratne novčane pomoći su utvrđeni Pravilnikom.

III – USLOVI ZA OSTVARIVANJE PRAVA

Uslovi za ostvarivanje prava na jednokratnu novčanu pomoć porođiljama za rođenje djeteta na osnovu Pravilnika o ostvarivanju prava na jednokratnu novčanu pomoć za rođenje djeteta su:

- (1) da porođilja ili otac djeteta imaju najmanje jednu godinu dana prebivališta na području općine Vogošća, neposredno prije podnošenja prijave na javni poziv iz člana 4. Pravilnika;
- (2) ukoliko jedan od roditelja djeteta nema prebivalište na području općine Vogošća, uslov je da pravo na jednokratnu novčanu pomoć nije ostvario na području općine svog prebivališta;
- (3) da dijete ima prebivalište/boravište na području općine Vogošća;
- (4) da roditelji djeteta nisu već ostvarili ovo pravo putem nadležne općinske službe Općine Vogošća ili putem nadležne općinske službe na području općine svog prebivališta.

IV – POTREBNA DOKUMENTACIJA

Prilikom prijave na ovaj Javni poziv potrebno je da podnosioci zahtjeva prilože svu sljedeću dokumentaciju u originalu ili ovjerenj fotografijama:

- 1) čitko popunjen i potpisan propisani obrazac zahtjeva, koji je sastavni dio ovog Javnog poziva;
- 2) uvjerenje o kretanju za roditelje ne starije od 1 mjeseca;
- 3) prijava mjesta prebivališta/boravišta za roditelje i dijete (službeno);
- 4) izvod iz matične knjige rođenih za svu djecu;
- 5) potvrda banke podnosioca zahtjeva sa brojem tekućeg računa;
- 6) dokaz da roditelj djeteta nije ovo pravo ostvario na području općine svog prebivališta (ukoliko to nije područje općine Vogošća u posljednjih godinu dana).

V – POSTUPAK DODJELE JEDNOKRATNE NOVČANE POMOĆI

- 1) Nakon provedenog postupka utvrđivanja ispunjavanja svih propisanih uslova, Općinski načelnik, putem nadležne Službe, donosi Rješenje o ostvarivanju prava na jednokratnu novčanu pomoć za lice koji je ispunilo sve propisane uslove u skladu sa Pravilnikom o ostvarivanju prava na jednokratnu novčanu pomoć za rođenje djeteta i ovim Javnim pozivom.
- 2) Na osnovu Zaključka o ostvarivanju prava na jednokratnu novčanu pomoć lice ostvaruje pravo na direktnu uplatu dodijeljenih sredstava iz Budžeta Općine za tekuću kalendarsku godinu.
- 3) Zahtjevi koji ne ispunjavaju uslove za dodjelu novčanih sredstava, kao i zahtjeve podnesene nakon utroška planiranih budžetskih sredstava predviđenih za jednokratnu novčanu pomoć za rođenje djeteta, odbijaju se Zaključkom Općinskog načelnika putem nadležne Službe.
- 4) Protiv Zaključka o nepriznavanju prava na jednokratnu novčanu pomoć, može se izjaviti žalbu Drugostepenoj stručnoj komisiji Općinskog vijeća u roku od 15 dana od dana prijema Zaključka.
- 5) Podneseni zahtjev važi samo za kalendarsku godinu u kojoj je zahtjev podnešen.

VI – POSTUPAK PODNOŠENJA ZAHTJEVA

Zahtjeve sa dokumentacijom traženom ovim Javnim pozivom podnose se direktno na protokol Općine Vogošća ili putem pošte na adresu:

OPĆINA VOGOŠĆA
Služba za boračko-invalidsku i socijalnu zaštitu
Ulica Jošanička broj 80
71320 Vogošća


sa naznakom: „**Prijava na Javni poziv za dodjelu novčanih sredstava za jednokratnu novčanu pomoć za rođenje djeteta**“

Javni poziv ostaje otvoren do kraja tekuće kalendarske godine, odnosno do 31.12.2025. godine odnosno do utroška planiranih budžetskih sredstava.

Sve dodatne informacije vezane za Javni poziv mogu se dobiti svakim radnim danom, pozivom na brojeve telefona 033/586-470 ili 033/586-471 ili direktno u prostorijama Službe za boračko-invalidsku i socijalnu zaštitu (II sprat, kancelarija broj 40 i 42).

Nepotpuna i neblagovremena dokumentacija neće se uzimati u razmatranje.

Broj: 09-31-1239/25
Vogošća, 20.06.2025.godine

 **OPĆINSKI NAČELNIK**

Migdad Hasanović